

убогим! Ныне же предстоящей коликими сицевыми церковными имени владеюща и стяжании, сами убо себе бесчисленных обрзов одежь и пищу умышляют несытно, о погибающих же крестиянех братий мразом и гладом ниедино творят попечение. И наипаче божественным правилом величайшу нужу им налагающим и извержение претящим, аще церковная именина,⁸⁸ а не⁸⁹ в потребах нищих и приходящих убогих братий не⁹⁰ добре изнурают. Они же не токмо божественнаа повеления и отеческия уставы презирают все, но и церковное серебро в лихву дающе нищим и богатым, аще кто изнемогает к отдаянию и лихв не милость показаша бедному, но конечно того истребиша. О коликим слезам и рыданием достойна суть сиа! Еда разумеите ли, како оны святителие пустынников⁹¹ последнюю нищету любляху, аще и посреди мирьских плищ и молв обращахуся и многостязательным церквам предстоаху, и како ничтоже свое непщеваху, но аки божи⁹² верны строителе⁹³ звереное⁹⁴ им богатство скудн⁹⁵ым и убогим разделяху боголюбезне, по устроению правильному и господьскому повелению, даже слышать и оны от владыки: «Добре рабе благий! О малех был еси верен, над многими тя поставлю: вниди в радость господина твоего». Блаженный же Иоани Златоуст, якоже пишется в житии его, толико возлюби еже о бозе убогство и смирение, яко потребе бывши ему приплуть к Ефесу исправления ради тамошня святыя божиа церкви, ни телесную немощь, ни долготу путную, ни зимную нужу, ни ино что сицевое умыслив,⁹⁵ влез в корабль, тремя деньми в Апамию прииде, отгудь уже пешь шествие без лености съвръша, достызаеть Ефеса. О великого мужа смиrenomудриа! Ни на конь сести восхоте, но пешь толико шествие съвръши, но и паче во время зимное и немощью телу отягчаваему. Но онех убо еже о бозе жительство и ревность апостольская сицева. Дрочение же и украшение нынешних архиереев и кто достойне исповесть?

л. 277 об.

л. 278

Не глаголете убо разуму нашему быти, да церкви божиа || запустятся и монастырем и без престателей остатися. Не сие мыслим, о человеци, не сие: будь и далече от нас сицева хула и нечестие, но ниже невечерний день он да сподобится видети, иже сицево что умышляй. Но отнятися желаем и молимся богу от⁹⁶ святых божних церковь и монастырех действующему ныне серебрюлюбе и лихоимству, и прочей лютости, и безчеловечию, и житьельствовати иноком⁹⁷ убо безстяжанием, по обетом своим и в молитве мнозе, и в безмолвии целомудреном, рукоделием внемлющим, по преданому изначала святыми отци образу и уставу. Сице бо и призвавй нас от тмы к свету прославится и молитвы наша, яко фимиан, пред богом исправятся, и мир с небесе и всяк дар благ⁹⁸ на земли снидет. А божим святителем лепо отложшим всяко мирьское кичение⁹⁹ и лихоимание,¹⁰⁰ сице устроати церковныя вещи, яко богу зрящу и яко строителем божим слугам, а не яко владеющим над людьми и насилующим, ниже себе упитающим, но священным уставом покарающесе. || Аще убо сами скудни суть житейския потребы, токмо себе да отделят, прочеа же с страхом божим и милосердием в требующих брати, нищих и вдовах и сирых изнуряти, яко же божественная правила повелевають, а не изветом,^{III.1} растления² церковных вещей³ дати на лихву серебро церковное, таже истязания ради лихв расхыщати убогих именина. Дьявольское бо сице умышление и всякого безчеловечна и суроства исполнено, и сицева дерзашей⁴ извер-

л. 278 об.

⁰ Матф. 25, 21.

⁸⁸⁻⁸⁹ Нет $C_1C_2C_3$. ⁹⁰ Доб. из C_2 , где частица не написана сверху и другую рукою. ⁹¹ Так $C_1C_2C_3$; в ркп. пустынником. ⁹²⁻⁹³ Так $C_1C_2C_3$; в ркп. верный строитель. ⁹⁴ Так $C_1C_2C_3$; в ркп. уверенное. ⁹⁵ умысли $C_1C_2C_3$. ⁹⁶ Так $C_1C_2C_3$; в ркп. о.

⁹⁷ иноку $C_1C_2C_3$. ⁹⁸ Нет $C_1C_2C_3$. ⁹⁹⁻¹⁰⁰ Нет $C_1C_2C_3$.

^{III, 1-3} Так $C_1C_2C_3$; в ркп. церковнаго вещей растения. ² растения C_1C_2 . ⁴ дрзашей $C_1C_2C_3$.